



SOGFBiH

SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XI

BROJ: 180

DATUM: 9.05.2014. GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Održana 5. sjednica Predsjedništva Saveza	1
Sesija Kruga 99: Lokalnu samoupravu u BiH urediti po standardima EU	2
Općina Zenica promovisala projekat "Centar 72"	3
INTERVJU: Nermin Mandra, načelnik Općine Kakanj	4
Počine izgradnja nove zgrade Općine Kakanj	7
Općina Jajce i ove godine podržava samozapošljavanje	8
Za vodosnabdjevanje i odvod otpadnih voda u Jajcu obezbjeđen kredit od 8 mil. KM	8
INTERVJU: Miro Kraljević, načelnik Općine Široki Brijeg	9
Predstavnici općina iz KS i Istočnog Sarajeva zajednički će aplicirati na fondove EU	11
LAF seminar: "Dobra uprava na lokalnom nivou"	11
LAF seminar: "Pravila socijalnog uključivanja i integracije roma"	12

Bilten Saveza općina i gradova Federacije Bosne i Hercegovine

ODRŽANA 5. SJEDNICA PREDSEDNIŠTVA SKUPŠTINE SAVEZA OPĆINA I GRADOVA FEDERACIJE BOSNE I HERCEGOVINE

Peta sjednica Predsjedništva Skupštine Saveza općina i gradova Federacije Bosne i Hercegovine održana je 23. aprila/travnja u Visokom. Na sjednici, članovi Predsjedništva su detaljno upoznati o nizu aktivnosti koje je Savez poduzeo u periodu od održavanja 4. redovne sjednice.

Nakon usvajanja zapisnika i zaključaka sa četvrte sjednice Predsjedništva Skupštine Saveza općina i gradova Federacije Bosne i Hercegovine u okviru dnevnog reda razmatrane su sljedeće tačke: Izvještaj o izvršenju finansijskog plana za 2013. godinu, Prijedlog finansijskog plana za 2014. godinu, Izvještaj o radu Nadzornog odbora za 2013. godinu, Plan rada Nadzornog odbora za 2014. godinu.

U okviru tačke Prijedlog finansijskog plana za 2014. godinu, Predsjedništvo je posebno potenciralo sve izraženiji problem u naplati članarina Saveza, što je postalo veoma zabrinjavajuće za daljnji rad. U vezi sa ovim, zaključeno je da se hitno uputi dopis općinama koje imaju dugovanja iz 2013. godine, kako bi ista što brže izmirile, a kako ne bi bio ugrožen daljnji rad Saveza. U protivnom, Savez će biti prisiljen uskratiti svoje usluge članicama koje ne izvršavaju statutarnu obavezu uplate članskog doprinosa.

Osim toga, govorilo se o realizaciji Zaključka Predsjedništva Skupštine Saveza u vezi sa aktivnostima vezanim za izuzimanje jedinica lokalne samouprave od otplate vanjskog duga, te Izvještaju sa sjednica komisija i to: Komisije za ekonomski razvoj općina i gradova i finansije, Komisije za ustavna i zakonodavna pitanja, Komisije za izbor i imenovanja.

U vezi sa aktivnostima vezanim za izuzimanje jedinica lokalne samouprave od otplate vanjskog duga jednoglasno je zaključeno da angažovani advokat, koji je pripremio analizu mogućih načina ostvarivanja pravne zaštite općina u vezi sa otplatom vanjskog duga, do sljedeće sjednice Predsjedništva Saveza pripremi tužbeni zahtjev prema Vladi Federacije BiH.

Prisutni su raspravljali i o inicijativama općinskih vijeća Visoko, Breza i Banovići u vezi sa aktuelnim zbivanjima proteklih mjeseci gdje se iskazivalo nezadovoljstvo građana postojećim stanjem u državi.

S obzirom na činjenicu da je Predsjedništvo Saveza na prošloj sjednici usvojilo inicijativu za usaglašavanje Zakona o građevinskom zemljištu sa Zakonom o stvarnim pravima, što se do sada nije realiziralo, to je ovom prilikom usvojena urgencija po ovom pitanju iz razloga što će usaglašavanje navedenih zakona omogućiti primjenu Zakona o stvarnim pravima koji se počeo primjenjivati od 6. marta/ožujka ove godine.



U vezi sa preispitivanjem stava Predsjedništva Saveza u vezi sa ranijim zaključkom o Nacrtu zakona o premjeru i registraciji nekretnina FBiH, kojeg je Predsjedništvo podržalo, zaključeno je da se Savez uključi u buduće javne rasprave putem kojih Savez treba osigurati da ne dođe do povrede prava na lokalnu samoupravu.

Predsjedništvo je također informisano o aktivnostima Saveza na implementaciji projekata LOD III i MTS – osiguranje kvalitete obuke, te u vezi sa prijedlogom Zakona o izmjenama i dopunama Zakona o zaštiti i dobrobiti životinja, gdje je





KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

"Po evropskim standardima građani od 65 pa do čak 85 posto svojih potreba ostvaruju u jedinicama lokalne samouprave. Nažalost, u BiH je to nemoguće, jer imamo kantone koji su uzeli dobar dio nadležnosti sebi"



Savez insistira da Dom naroda što hitnije usvoji Prijedlog zakona o izmjenama i dopunama Zakona o zaštiti i dobrobiti životinja, čiji je predlagatelj Predstavnički dom Parlamentarne skupštine BiH, a ukoliko Dom naroda ne usvoji spomenuti prijedlog zakona, smatramo ga odgovornim za ugrožavanje sigurnosti građana Bosne i Hercegovine.

Na kraju sjednice, Predsjedništvo je imenovalo gđu Amru Babić, načelnicu Općine Visoko za predstavnicu Saveza u Fiskalno koordinacijsko tijelo Federacije BiH.

Sjednici Predsjedništva Skupštine Saveza općina i gradova FBiH prisustvovali su sljedeći načelnici: **Husejin Smajlović** - načelnik Općine Zenica, **Amra Babić** - načelnica Općine Visoko, dr. sci. **Muhamed Ramović** - načelnik Općine Goražde, **Željko Josić** - načelnik Općine Domaljevac-Šamac, **Asim Mekić** - načelnik Općine Busovača, **Emir Bubalo** - načelnik Općine Konjic, **Agan Bunić** - načelnik Općine Bužim, **Admir Hadžiemrić** - načelnik Općine Travnik, **Edin Smajić** - načelnik Općine Vogošća, **Nedžad Koldžo** - načelnik Općine Novo Sarajevo i **Abdulah Gutić** - pomoćnik načelnika Općine Kalesija.

SESIJA KRUGA 99: LOKALNU SAMOUPRAVU U BIH UREDITI PO STANDARDIMA EU

SARAJEVO, 27. april/travanj – U budućnosti se mora na dublji i promišljeniji način shvatiti pozicija gradova, općina i uopće lokalne samouprave i u kontekstu šire politike Bosne i Hercegovine, a poznato je da naša zemlja ne može uspostaviti zajedničku politiku, pogotovo vanjsku, te bi gradovi i općine trebali imati aktivniju ulogu i u vanjskoj politici BiH, kako bi se ona postavila na zdravije temelje, rečeno je tokom današnje sesije Asocijacije nezavisnih intelektualaca "Krug 99" u Sarajevu na temu "Razvoj lokalne samouprave u gradovima BiH".

Akademik Mirko Pejanović kazao je da su gradovi urbane, infrastrukturne, društvene, kulturološke cjeline u kojima građani ostvaruju svoje interese i potrebe u svakodnevnom životu.

"BiH je prostor na kome su nastajali urbani centri još od rimskog doba. U postdejtonsko doba u FBiH i RS uspostavljena su po dva grada. U FBiH to su Sarajevo i Mostar, a u RS Banjaluka i Istočno Sarajevo. U RS-u su 2012. godine uspostavljena još četiri grada, Prijedor, Doboj, Bijeljina i Trebinje. U FBiH 2006. godine donesen je Zakon o principima lokalne samouprave, koji je u značajnoj mjeri primijenio principe Evropske povelje o lokalnoj samoupravi i takvu ocjenu dobio je i od Vijeća Evrope", podsjetio je Pejanović.

Dodao je da je uspostavljena nova koncepcija u organizaciji lokalne samouprave u gradovima u FBiH.

"Po toj koncepciji postoje četiri osnove da se gradska središta mogu proglasiti jedinicama lokalne samouprave. Prva osnova je da je grad osnovan ustavom i zakonom i kada ima dvije ili više općina. Ovo je posebno primijenjeno za Sarajevo. Druga osnova je da je grad središte kantona i da područje grada ima 30.000 stanovnika i 10.000 stanovnika u svom urbanom središtu. Takođe, ako grad ima historijski i kulturni značaj, može biti proglašen jedinicom lokalne samouprave", objasnio je Pejanović.



Gledajte Savez općina i gradova
Federacije Bosne i Hercegovine na



Pomenulo je da su u Parlamentu FBiH u proceduri četiri zakona za četiri buduća grada, a to su Bihać, Široki Brijeg, Tuzla i Zenica.

Načelnik Općine Bihać Emdžad Galijašević kazao je da Bihać ispunjava sve navedene uslove da bude grad.

"Prema posljednjem popisu iz 2013. godine Bihać ima 61.000 stanovnika i površinu od 900 kvadratnih kilometara. Kulturno je, političko i administrativno središte Unsko-sanskog kantona. Ove godine slavili smo 754 rođendan. Vjerujem da ćemo u parlamentarnoj proceduri dobiti status grada", rekao je Galijašević.

Smatra da bi dobijanjem statusa grada, Bihaću se otvorile veće perspektive i da bi time Bihać postao ozbiljniji partner.

"Imamo sreću da smo na samoj granici sa Hrvatskom odnosno EU. Sa statusom grada naći ćemo još više partnera i iz EU fondova mogli bi crpiti sredstva. Puno ovlasti sa kantona treba prebaciti na općine i potrebno je stvoriti racionalniju vlast sa dosta manje troškova i nadam se da će do toga i doći", kazao je Galijašević.

Prema riječima načelnika Općine Novo Sarajevo Nedžada Koldže, trebamo biti svjesni da živimo u državi sa veoma složenim ustavno-pravnim sistemom, ogromnim administrativnim aparatom i da nikavi budžeti ne mogu finansirati takav državni aparat.

"Neki kantoni u FBiH imaju Zakon o lokalnoj samoupravi, dok Kanton Sarajevo nema, a FBiH ima Zakon o principima lokalne samouprave. Zbog takve nesređenosti, imamo slučajeve oduzimanja nadležnosti jedinicama lokalne samouprave. Po evropskim standardima građani od 65 pa do čak 85 posto svojih potreba ostvaruju u jedinicama lokalne samouprave. Nažalost, u BiH je to nemoguće, jer imamo kantone koji su uzeli dobar dio nadležnosti sebi", objasnio je Koldžo.

Naglasio je još veći problem u Sarajevu, gdje postoji još jedan nivo vlasti, a to je grad, što je suprotno Evropskoj povelji o lokalnoj samoupravi, jer postoje dvije lokalne samouprave na istoj teritoriji.

Načelnik Općine Stari Grad Ibrahim Hadžibajrić rekao je da je u BiH lokalna samouprava marginalizirana.

"Po standardima EU zemalja, od 27 do 33 posto sredstava sa državnog nivoa vraćaju se jedinicama lokalne samouprave, dok u FBiH se vraća 2,7 posto, a u RS-u 3,1 posto i to sve govori", pojasnio je Hadžibajrić. (ONASA)

"Po standardima EU zemalja, od 27 do 33 posto sredstava sa državnog nivoa vraćaju se jedinicama lokalne samouprave, dok u FBiH se vraća 2,7 posto, a u RS-u 3,1 posto i to sve govori".

OPĆINA ZENICA PROMOVISALA PROJEKAT „CENTAR 72“

Građani Zenice sada su u mogućnosti postavljati pitanja, slati sugestije i primjedbe i općenito komunicirati sa upravom putem platforme Centar 72. Klikom na ikonu Centar 72 na stranici www.zenica.ba moguće je poslati tekstualni i slikovni sadržaj kojim se pobliže objašnjava lokacija gdje je građanin uočio određenu pojavu. Obaveza Općine i Centra 72 je se da u roku od tri radna dana (72 sata) očituje i ponudi odgovor i pojašnjenje. Na ovaj način općinska uprava je među prvima u BiH otvorila dodatni kanal komunikacije s građanima u namjeri da rad organa uprave

postane još otvoreniji i transparentniji.

Projekat su predstavili Dževdina Brajić, direktorica Stručne službe Vijeća i Načelnika i Damir Mehmedbašić, izvršni direktor Fondacije "Centar za zastupanje građanskih interesa".

Na današnjem susretu s novinarima predstavljen je još jedan važan projekat iz oblasti informatičkih sistema i interneta. Radi se o zajedničkom projektu Općine Zenica i firme Telemach prema kojem bi u prvoj fazi uže gradsko jezgro bilo pokriveno 4-satnim besplatnim bežičnim pristupom na internet. Prema dogovoru, Općina obezbjeđuje infrastrukturu, a Telemach opremu i konekciju. U prvoj fazi će biti pokriveno sedam lokacija, a planira se dalje proširenje ove usluge.

Projekat su predstavili Esad Bektaš direktor Telemacha i Sulejman Zlotrg, stručni savjetnik za informatičke sisteme u Općini Zenica.



Općina Zenica


Sarađujem s mojom općinom



Grb Općine Kakanj

**KORISNI LINKOVI ZA
PREDPRISTUPNE FONDOVE EU:**

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



Kakanj-Zgošća, stare razglednice

INTERVJU: NERMIN MANDRA, NAČELNIK OPĆINE KAKANJ

Razgovarao: Kenan SILAJDŽIJA

SARAJEVO, 24. april/travanj (ONASA) - Načelnik Općine Kakanj Nermin Mandra u intervjuu za Agenciju ONASA govori, između ostalog, o specifičnostima Kaknja, prirodnim ljepotama, sportskim uspjesima, talentiranim mladim ljudima, privrednim gigantima koji su nosioci razvoja i brojnim drugim vrijednostima.



Nermin Mandra, načelnik Općine Kakanj

ONASA: Po čemu je Općina Kakanj prepoznatljiva u odnosu na ostale općine?

MANDRA: Općina Kakanj prepoznatljiva je po svojim kulturno-historijskim znamenitostima, prirodnim ljepotama, sportskim uspjesima, talentiranim mladim ljudima, privrednim gigantima koji su nosioci razvoja i brojnim drugim vrijednostima. Zgoščanski stećak jedan je od najvažnijih dijelova bogatog mozaika kulturno-historijskih vrijednosti. Kraljeva Sutjeska sa Franjevačkim samostanom i džamijom Sultana Mehmeda II El-Fatiha ubraja se u najznačajnije historijske lokalitete u BiH. Premda se privreda Kaknja odlikuje velikim industrijskim kapacitetima, specifičnost Kaknja ogleda se i u brojnim izletištim, karakterističnim po netaknutoj prirodi i lijepim pejzažima. Izletišta i vazdušnja banja Ponijeri, kao i područje Bočice, postali su nezaobilazno odredište ljubitelja prirode. Poznati su i sjajni rezultati kakanjskog sporta. Svuda se priča i o uspjesima mladih iz Kaknja na muzičkim takmičenjima. Sve ove vrijednosti, koje građane Kaknja čine ponosima, motiv su da nastavimo sa odlučnim zalaganjem za dobrobit naše zajednice i domovine. Na tragu ovakvih promišljanja je i naše zalaganje da, osiguranjem pogodnosti za investicije i razvoj poduzetništva, Kakanj učinimo konkurentnijim u odnosu na druge općine. Uporno, kontinuirano i svesrdno zalaganje Općine na unapređenju i poboljšanju ambijenta za poduzetničku djelatnost, postalo je prepoznatljivo obilježje naše lokalne zajednice. Posebnu pažnju zaslužuje širok spektar pogodnosti. Za gradnju objekata investitorima pripada poticaj u vidu povrata novčanih sredstava od naknade koja se obračunava za rentu i naknade za uređenje gradskog građevinskog zemljišta. Pravo na poticaj u vidu oslobađanja od plaćanja naknade za korištenje gradskog građevinskog zemljišta i komunalne naknade stiže investitor za parcelu na kojoj gradi objekat u periodu od pet godina od dana pribavljanja odobrenja za upotrebu objekta. Odlukom o općinskim taksama na istaknutu firmu određeno je i umanjenje visine taksi u većini djelatnosti i oslobađanje pojedinih taksenih obveznika u potpunosti ili za određeni period. Takseni obveznici, koji su počeli sa obavljanjem registrirane djelatnosti, tokom tekuće godine oslobađaju se plaćanja takse na istaknutu firmu za tu godinu. Također, od obaveze plaćanja takse oslobođena su pravna i fizička lica koja registriraju proizvodne djelatnosti, za prvu godinu 100 posto, a za drugu godinu 50 posto od ukupnog iznosa taksene obaveze. Općina Kakanj realizira i druge aktivnosti, usmjerene na jačanje poduzetništva i nova zapošljavanja.

ONASA: Kako biste ocijenili rad Općine u proteklom periodu?

MANDRA: Napravili smo brojne konkretne pomake. Nakon okončane zakonske procedure Općina Kakanj je, po cijeni od jednu KM za kvadratni metar zemljišta, izvršila dodjelu lokacija Poduzetničke zone "Vrtlište" na kojima će investitori graditi proizvodne i druge objekte. Trenutno je aktuelna faza podnošenja zahtjeva za izdavanje urbanističkih saglasnosti za izgradnju, tako da se uskoro može očekivati početak izgradnje poslovnih objekata. Nastavili smo s aktivnostima pripreme novih lokacija za investitore, čime se osigurava kontinuitet dobre prakse jačanja poduzetništva. Kakanj je jedna od rijetkih lokalnih zajednica u kojima se, u aktuelnom vremenu opće krize u BiH i šire, realiziraju brojni infrastrukturni projekti. Premda viši nivoi vlasti ne isplaćuju Općini Kakanj prihode u iznosu koji zakonski pripada našem gradu, ipak uspijevamo pronaći modalitete da se obnova i izgradnja ne zaustave. To je rezultat predanog rada, racionalnog usmjeravanja i trošenja budžetskog novca, dobrog pristupa investitorima, uvođenja stimulativnih mjera za razvoj poduzetništva, kontinuiranog dijaloga sa privrednicima, mjesnim zajednicama, udruženjima građana.

ONASA: Koji su najznačajniji realizovani projekti u protekloj godini?



MANDRA: Tokom 2013. godine u Kaknju su realizirana ulaganja u cestovnu infrastrukturu ukupne vrijednosti 609.998 KM. Za projekte toplifikacije, izgradnje vodovoda utrošeno je 129.102 KM. Realizirano je još nekoliko projekata ukupne vrijednosti 489.318 KM, tako da je konačna cifra iznosila 618.420 KM. Zbir ulaganja u cestovnu infrastrukturu i ulaganja u ostale projekte u 2013. godini iznosio je 1.228.419 KM. Ako se doda cijena radova na izgradnji Doma kulture, koji su u konačnici imali milionsku vrijednost, i još neki projekti poput rješavanja problema prodiranja podzemnih voda u Malješu ili obnova kuglane, dolazi se do sume od oko 2.500.000 KM.

Projekat obnove Doma kulture jedan je od najvažnijih realiziranih tokom 2013. godine. Radi se o objektu koji se prije dvije godine zbog oronulosti srušio pod teretom velikog snježnog pokrivača. U promišljanjima Kakanjaca Dom kulture nije samo građevina, već i dio zavičajnog blaga, posmatranog kao neka vrsta živog organizma i vitalnog životnog prostora. Za realizaciju ovog projekta, čija je vrijednost veća od 1.000.000 KM, više od 80 posto sredstava osigurala je Općina Kakanj.

Također, pažnju posvećujemo saradnji sa boračkim organizacijama, posebno u segmentu zapošljavanja i obavljanja pripravnčkog rada za djecu šehida i poginulih boraca i djecu iz drugih boračkih populacija. Razvijamo koncept socijalne zaštite kakav rijetko postoji u lokalnim zajednicama, a započeli smo i nastavljamo razvoj koncepta socijalnog stanovanja. Jedna smo od rijetkih općina u BiH koje dodjeljuju stipendije studentima, a možda i jedina općina koja stipendije dodjeljuje i učenicima srednjih škola. Posebna pažnja posvećena je sanaciji i izgradnji objekata u kojima usluge građanima pružaju javni servisi. Prošle godine sredstvima kantonalnog budžeta izgrađena je nova zgrada Policijske stanice Kakanj. Ubrzo nakon otvaranja ove zgrade započela je i rekonstrukcija zgrade Općinskog suda u Kaknju. Kakanj će u budućem periodu dobiti i novu zgradu Općine, s obzirom na to da je zgrada u kojoj su trenutno smještene općinske službe vlasništvo RMU Kakanj. Radi se o trošnom objektu koji će ove godine biti predmet prodaje. Nedavno je otvoren novoizgrađeni Društveni dom u Čatićima, a za nekoliko mjeseci očekuje se završetak radova i puštanje u funkciju Hemodijaliznog centra.

Možemo zaključiti da će 2013. i 2014. godina biti zapamćene kao zlatni period obnove vitalnih objekata u Kaknju. U prilog ovoj tvrdnji idu i činjenice da je prošle godine Kakanj dobio novu i modernu kuglanu, počele su aktivnosti na uspostavi gradskog muzeja, muzičke škole i gradske galerije likovne umjetnosti, a u planovima je i multipleks-kino. Izgradnja novih i sanacija postojećih vitalnih objekata u Kaknju izraz je našeg poštovanja prema Bosni i Hercegovini. Ove aktivnosti rezultiraju poboljšanjem kvaliteta pružanja usluga građanima Kaknja u skladu s izazovima i standardima modernog vremena.

ONASA: Kako ocjenjujete trenutnu ekonomsku situaciju na području općine i koji su privredni subjekti nosioci razvoja?

MANDRA: S obzirom na postojanje velikih privrednih subjekata, ekonomska slika Kaknja je u odnosu na okruženje dobra, ali nivo privrednog razvoja nije zadovoljavajući, jer postoji veliki broj nezaposlenih osoba. Stoga je razvoj poduzetništva, privlačenje investicija, izgradnja poduzetničkih zona i osiguranje pogodnosti za investitore u žiži rada općinske administracije.

ONASA: Koje grane privrede imaju najveće potencijale za ulaganje u Kaknju i šta Općina čini kako bi privukla investitore?

MANDRA: Općina Kakanj realizira brojne aktivnosti, usmjerene na jačanje poduzetništva i nova zapošljavanja. U svrhu razvoja poduzetništva i obrta, iz Budžeta Općine Kakanj za 2013. godinu izdvojeno je 90.000 KM. Sredstva su opredijeljena za realizaciju projekta "Pokreni svoj posao u Kaknju", koji nezaposlenim osobama, kroz nekoliko ciklusa u toku godine, omogućava obuku u pisanju poslovnih planova, nagrađivanje najkvalitetnijih planova inicijalnim sredstvima za osnivanje i početak rada, te pomoć pri registraciji firmi. Program, također, omogućava refundaciju troškova osnivanja obrtničkih radnji (osim trgovina i ugostiteljskih radnji) i dijela troškova osnivanja preduzeća, za sufinansiranje dijela troškova zakupa poslovnog prostora obrtničkim radnjama (osim trgovina i ugostiteljskih radnji) i preduzećima "d.o.o." koji registriraju djelatnost i firmu na području općine Kakanj u 2013. godini. Ovi projekti se nastavljaju realizirati i u 2014. godini.

U ovoj godini realiziramo i projekat "Proširi svoj posao u Kaknju". U saradnji sa Njemačkom nevladinom organizacijom "Help", Općina Kakanj lani je realizirala prvu fazu projekta pomoći pokretanju i jačanju poduzetništva, za šta je izdvojeno 120.000 KM kroz donirane motokultivatore, platenike, steone krave, opremu za zanatsku djelatnost, košnice sa pčelama. Nakon realizacije prve faze, potpisan je ugovor o nastavku projekta u vrijednosti od 200.000 KM. U drugoj fazi projekat će pomoći ukupno 40 korisnika.

"Možemo zaključiti da će 2013. i 2014. godina biti zapamćene kao zlatni period obnove vitalnih objekata u Kaknju."



Kakanj



Kakanj

**KORISNI LINKOVI ZA
PREDPRISTUPNE FONDOVE EU:**

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

“Zbir ulaganja u cestovnu infrastrukturu i ulaganja u ostale projekte u 2013. godini iznosio je 1.228.419 KM. Ako se doda cijena radova na izgradnji Doma kulture, koji su u konačnici imali milionsku vrijednost, i još neki projekti poput rješavanja problema prodiranja podzemnih voda u Malješiu ili obnova kuglane, dolazi se do sume od oko 2.500.000 KM.

U Budžetu Općine Kakanj osigurana su i sredstva za podršku poljoprivrednoj proizvodnji i pomoći nezaposlenim osobama kroz dodjelu steonih krava. Sa temeljnim opredjeljenjem da je svako radno mjesto bitno i da kontinuirano treba biti na usluzi privredi, u Općini Kakanj periodično se održavaju sastanci sa predstavnicima velikih firmi, poduzetnicima i ugostiteljima, gdje se razmatraju aktuelna pitanja i zajedno definiraju smjernice za razvoj privrede. Imenovan je i Tim za otklanjanje administrativnih barijera.

ONASA: Na koje oblasti su fokusirani strateški pravci općine i koji su preduslovi za njihovu realizaciju?

MANDRA: Sve aktivnosti usmjerene su na razvoj poduzetništva i infrastrukture, privlačenje investicija, te zaštitu okoline, jer je naše temeljno polazište u promišljanjima da treba razvijati privredu u harmoniji i dosluhu sa zaštitom čovjekove okoline.

ONASA: Da li ste zadovoljni stepenom zaposlenosti na području općine i šta će općinska vlast uraditi na poboljšanju stope zaposlenosti, posebno mladih i obrazovanih kadrova?

MANDRA: Stepenom zaposlenosti nisam zadovoljan. Zbog toga sam svu svoju pažnju i usmerio na stvaranje preduslova koji će dovesti do novih zapošljavanja. Jedan od projekata kojim, u granicama naših mogućnosti pružamo mladima pomoć, je projekat “Pokreni svoj posao u Kaknju” o kojem sam govorio.

ONASA: Koji su najčešći problemi sa kojima se suočava općina Kakanj?

MANDRA: Najčešći problemi sa kojima se suočava Općina Kakanj ogledaju se u smanjenom prilivu sredstava sa viših nivoa vlasti, smanjenju priliva pripadajućeg dijela PDV-a, izostavljanju Kaknja u raspodjeli sredstava od GSM licence koju je izvršila Vlada FBiH, nezaposlenosti, cestovnoj infrastrukturi, zagađenosti okoline.

ONASA: Na čemu će biti akcenat rada u narednom periodu, odnosno koji su najznačajniji projekti koje planirate realizovati?

MANDRA: U budućem periodu nastavljamo intenzivno jačati poduzetništvo i infrastrukturu, realizirati ekološke projekte poput uvođenja sistema integralnog prikupljanja i zbrinjavanja otpada, širenja mreže daljinskog grijanja. Realiziraće se projekat zamjene rasvjetnih tijela javne rasvjete LED tehnologijom, a nastavljamo i pripremati nove poslovne zone, podsticati poljoprivredne proizvođače.

U budućem periodu naše aktivnosti biće fokusirane i na osnivanje muzičke škole. Javnost zna da je Kakanj poznat po muzičkim talentima, ali naš grad nema muzičku školu. Nadamo se da prilikom realizacije ove zamisli nećemo nailaziti na barijere i birokratska otežavanja, s obzirom na to da je obrazovanje nadležnost kantona. Izgradnjom nove zgrade Općine, poboljšat ćemo kvalitet usluga koje pružamo građanima. Sve što radimo i što ćemo raditi u budućem periodu biće u dosluhu sa građanima, jer smo razvili brojne modalitete komuniciranja kako bismo od građana dobili povratne informacije o svim pitanjima koja su od općeg interesa.

Segment zaštite životne sredine zasluži posebnu pažnju. U skladu sa temeljnim opredjeljenjem da se intenzivno i kontinuirano radi na unapređenju ekološke slike Kaknja, Općina je tokom 2013. godine realizirala nekoliko ekoloških projekata čija je ukupna vrijednost 2.152.000 KM. Odlučni smo u namjeri da osiguramo visok nivo komunalne higijene na području cijele općine. Svjesni smo činjenice da niko neće doći da vrši zbrinjavanje otpada u našem zavičaju. To trebamo uraditi mi. Naša ideja vodilja se ogleda u našoj želji da cijeli prostor općine Kakanj bude čist. Stoga smo izdvojili 400.000 KM za projekat uspostave procesa integralnog upravljanja otpadom. Od ovog iznosa, 70.000 KM odnosi se na subvencioniranje odvoza smeća iz najudaljenijih područja. Ovim projektom planirano je uspostavljanje procesa integralnog upravljanja otpadom, kojim će se obuhvatiti novih 11 mjesnih zajednica, uz 19 mjesnih zajednica u kojima već postoji organizirani odvoz smeća. Tako će se postojeći sistem prikupljanja otpada, koji pokriva 48 posto ukupnog broja stanovnika, proširiti i pokriće 85 posto ukupnog broja stanovnika. Planirano je da se narednih godina još povećava opseg odvoza otpada i da u konačnici obuhvati svih 37 kakanjskih mjesnih zajednica.

Planiramo realizirati i projekat proširenja sistema daljinskog grijanja u MZ Kakanj II. Za realizaciju ovog projekta predviđen je iznos od 1.000.000 KM. Cilj projekta je smanjiti zagađenje uzrokovano radom mini-kotlovnica. U realizaciju ovog projekta već je uloženo 1.500.000 KM. Projekat je nekoliko godina čekao na dovršetak. Priča o toplifikaciji ne završava se ovim projektom. Završene su aktivnosti na širenju mreže daljinskog grijanja na području MZ Papratnica, a počele su aktivnosti na izradi projektno-tehničke dokumentacije za proširenje sistema daljinskog grijanja u još nekoliko naselja. Za poslove projektovanja izdvojili smo 250.000 KM.



Općina Kakanj posebnu pažnju posvećuje uređenju i zaštiti čovjekove okoline. Osim kontinuiranih aktivnosti na uređenju zelenih površina, izletišta i ski-staza na Ponijerima, 2013. godine smo realizirali i projekat čišćenja obala rijeke Bosne. U skladu sa činjenicom da je potpisnica sporazuma "Covenant of Mayors" koji znači obavezu ostvarivanja ciljeva energetske politike Evropske unije u smislu redukcije emisije CO2 kroz povećanu energetska efikasnost, čistiju proizvodnju i korištenje energije, Općina Kakanj već je započela sa aktivnostima na provedbi zamisli pomenutog sporazuma. Završene su aktivnosti na izradi Održivog energetskog akcionog plana (Sustainable Energy Action Plan – SEAP). Pomoć pri izradi SEAP-a Općini Kakanj pružila je Njemačka organizacija za razvojnu saradnju "Deutsche Gesellschaft für Internationale Zusammenarbeit" (GIZ). Tokom Evropske sedmice mobilnosti, koja se obilježava od 16. do 22. septembra, javnosti je predstavljen projekat izgradnje biciklističke staze u Kaknju. Gradnja ove staze je u toku. Staza se prostire kroz gradsku jezgru. Biće to poklon preduzeća "Trgošped" građanima Kaknja.

POČINJE IZGRADNJA NOVE ZGRADE OPĆINE KAKANJ



KAKANJ, 24. april/travanj – U Općini Kakanj potpisan je Ugovor o izvođenju grubih građevinskih radova (prva faza) na izgradnji zgrade Općine Kakanj ukupne vrijednosti 2.002.755,53 KM (bez PDV-a).

Ugovor su potpisali direktor Zavoda za planiranje i izgradnju općine Kakanj Zijad Neimarlija, u svojstvu naručioca radova, i Suvad Isaković, u ime Konzorcija "ITC Zenica" - "Trgošped" Kakanj koji će izvoditi radove.

Zgrada će biti građena u Ulici

branilaca, preko puta zgrade u kojoj su trenutno smještene općinske službe.

"Zadovoljstvo mi je da sam danas prisustvovao potpisivanju ugovora za realizaciju prve faze izgradnje zgrade Općine Kakanj. Posebno sam sretan da smo u Kaknju doživjeli ovaj trenutak da ulazimo u fazu izgradnje zgrade koja će biti servis svih građana i koja će biti novi estetski element u našem gradu. Na ovaj način ćemo jačati institucije države kao što ih jačamo izgradnjom drugih državnih objekata kakvi se rade u ovoj i kakvi su rađeni u prošloj godini u Kaknju. Ovo je poruka građanima da se i u ovako teškom vremenu moramo okrenuti budućnosti, moramo graditi, moramo raditi, moramo stvoriti osjećaj perspektivnosti življenja na ovom prostoru. Izgradnja ove zgrade je i takva poruka. Građani će to sigurno prepoznati", rekao je općinski načelnik Nermin Mandra.

On je naglasio da se objekat gradi iz vlastitih sredstava, bez zaduživanja i bez diranja u redovne prihode iz Budžeta, kako se ne bi ugrozilo redovno finansiranje iz Budžeta Općine Kakanj.

Pronađeno je rješenje da se zgrada Općine Kakanj finansira od prodaje poslovnih prostora koji su u vlasništvu Općine Kakanj. Ovakvim potezom riješeno je nekoliko problema. Poslovni prostori u vlasništvu Općine su zahtijevali skupa ulaganja i rekonstrukcije. Za ovu svrhu Općina Kakanj nije mogla izdvajati sredstava.

Drugi problem ogledao se u poteškoćama u pogledu naplate zakupnine pa su zabilježeni i sudski procesi radi naplate.

Važno je naglasiti još jednu činjenicu. Sredstva koja se prikupe od prodaje poslovnih prostora mogu se utrošiti samo u kapitalne projekte koji podrazumijevaju nabavku osnovnih sredstava (izgradnja zgrade i sl). Dakle, ova sredstva ne mogu biti utrošena na bilo kakve druge projekte.

"Planirane su podrumске prostorije sa 52 garažna mjesta. U suterenu će biti smještena šalter-sala, sala za vjenčanja i 6 poslovnih prostora. Bit će građene i 3 etaže u kojima će biti smještene sale za sastanke, sala za sjednice Općinskog vijeća, općinske službe... Objekat će sadržavati i veliki hol. U jednom dijelu potkrovlja bit će izgrađena otvorena terasa, dok će natkriveni dio biti pogodan za izdavanje u svrhu otvaranja restorana i sl.", izjavio je Zijad Neimarlija, direktor Zavoda za planiranje i izgradnju općine Kakanj.

Ubrzo nakon potpisivanja ugovora početak će pripreme gradilišta, a zvaničan početak radova će biti ozvaničen 9. maja/svibnja 2014. godine na Dan pobjede nad fašizmom i Dan Evrope.



**Budući izgled nove zgrade
Općine Kakanj**





Grb Općine Jajce

OPĆINA JAJCE I OVE GODINE PODRŽAVA SAMOZAPOŠLJAVANJE

Projekat sufinansiranja samozapošljavanja u oblasti poljoprivrede i obrta nastavlja se i ove godine. U tu svrhu iz Budžeta Općine Jajce za 2014. godinu biće izdvojeno više od 100.000,00 KM. Ugovori o sufinansiranju samozapošljavanja sa 26 korisnika potpisani su 28. aprila/travnja, a riječ je o finansijskoj podršci na bespovratnoj osnovi za samozapošljavanje nezaposlenih lica. Ugovore sa korisnicima potpisao je načelnik Općine Jajce Edin Hozan.



Ovo je druga godina za redom da Općina Jajce na ovaj način pomaže pokretanje malih obrta i daje podršku samozapošljavanju u poljoprivredi. Vrijednost svakog pojedinačnog ugovora iznosi 3.500 KM za samozapošljavanje u poljoprivredi i 5.000 KM za sufinansiranje u oblasti obrta. Ova sredstva predstavljaju stimulaciju korisniku za uspostavljanje i obavljanje samostalne djelatnosti. Program ima za cilj potporu poljoprivredi i ruralnom razvoju kao i razvoju zanatstva i malih preduzeća.

Kroz jednogodišnje sufinansiranje Općina pomaže u pokretanju malih obrta i zapošljavanju, posebno vodeći računa kako o mladima, tako i o ljudima kojima nedostaje malo do ostvarivanja prava na penzionisanje. „Projekat se pokazao opravdanim pa je Općina ove godine povećala sredstva za ove svrhe u želji da se razviju mala preduzeća kojih je danas u svijetu i najviše i da podrška razvoju poljoprivrede. Veliki interes koji ste pokazali ove godine potvrđuje opravdanost projekta“, istakao je načelnik Općine Jajce Edin Hozan.

Samozapošljavanje u poljoprivredi i malom biznisu podrazumjeva poticajna sredstva za registraciju poljoprivrednih gazdinstava i malog biznisa za nezaposlene osobe koje imaju osnovne pretpostavke za bavljenje istim. Korisnici sredstava obavezuju se da će samostalnu djelatnost obavljati najmanje dvanaest mjeseci i za taj period izvršavati redovne poreske obaveze.

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfoceantar.ba
www.balkanfund.org
www.eurelmed.com
www.eacea.ec.europa.eu

ZA VODOSNABDJEVANJE I ODVOD OTPADNIH VODA U JAJCU OBEZBJEĐEN KREDIT OD 8 MIL. KM

Predstavnici federalnog Ministarstva poljoprivrede, vodoprivrede i šumarstva i lokalne zajednice Jajca potpisali su ugovor o kreditu vrijednom 8 mil. KM, čime bi trebalo da bude okončana realizacija projekta vodosnabdijevanja i odvoda otpadnih voda (WATSAN) na tom području.



Ugovor su potpisali vođa jedinice za upravljanje programa WATSAN pri federalnom Ministarstvu poljoprivrede, vodoprivrede i šumarstva, Sanja Terzić, i načelnik Općine Jajce, Edin Hozan.

Hozan je istakao da će ovim projektom biti riješeno vodosnabdijevanje i odvod otpadnih voda, pogotovo u naseljima na desnoj obali Vrbasa, te u potpunosti riješen problem neleganih priključaka.

„Sa ovim idemo u još jednom pravcu a to je rekonstrukcija gradskog vodovoda koja je poprilično stara i dotrajala zbog čega imamo velike gubitke“, istakao je Hozan.

Zbog slabo razvijenog vodosnabdijevanja i infrastrukture odvoda otpadnih voda FBiH trpi štetne uticaje na stanje u javnom zdravlju i okolini.

Trenutno 60% stanovništva u Federaciji ima pristup sistemu javnog vodosnabdijevanja, 33% koristi javni sistem odvoda otpadnih voda, a nepunih 2% stanovništva priključeno je na uređaje za prečišćavanje otpadne vode.





INTERVJU: MIRO KRALJEVIĆ, NAČELNIK OPĆINE ŠIROKI BRIJEG

Razgovarao: Fahro MEMIĆ

SARAJEVO, 29. april/travanj (ONASA) – Načelnik Općine Široki Brijeg Miro Kraljević u intervjuu za Agenciju ONASA govori, između ostalog, o radu Općine Široki Brijeg u 2013. godini, ključnim projektima, nosiocima privrednog razvoja, smanjenju administrativnih prepreka za investitore, nezaposlenosti i kako podstiču nova zapošljavanja, inicijativi da Široki Brijeg dobije status grada, ključnim planovima Općine u narednom periodu...

ONASA: Kako biste ocijenili rad Općine Široki Brijeg u 2013. godini?

KRALJEVIĆ: Prošlu 2013. godinu ocijenio bih veoma uspješnom. Naime, u Širokom Brijegu u tijeku je projekt izgradnje kanalizacije, kako su ga neki nazvali projekt desetljeća, a neki su otišli još dalje i rekli da je to najveći projekt u povijesti Širokog Brijega. Naime, krajem 2012. godine započeli smo s realizacijom projekta izgradnje kanalizacije kroz samo središte Širokog Brijega. Vrijednost projekta je više od osam milijuna KM, od kojih je 2,5 milijuna grant sredstava Europske komisije.

Krajem 2013. završena je prva faza ovog projekta u vrijednosti od 926.000 KM. U tijeku je raspisivanje tendera za drugu fazu ovog projekta. Također, još jedan veliki projekt koji smo završili u listopadu prošle godine je izgradnja osnovne škole na Lisama. Ukupna vrijednost izgradnje škole s popratnim sadržajima je oko četiri milijuna KM. U prošloj godini pušten je u pogon i vodovod "Turčinovići" s 400 priključaka. U 2013. završili smo i prvu fazu (asfaltiranje partera) izgradnje autobusnog kolodvora.

ONASA: Koji su ključni projekti realizovani u proteklom periodu i koliko je ukupno utrošeno za kapitalne projekte?

KRALJEVIĆ: Što se tiče projekta koje smo realizirali u proteklih nekoliko godina, spomenut ću neke od njih, i to: Gradska mrtvačnica, Centar za pružanje usluga građanima, završetak lokalnog vodovoda u Crnču, lokalna prometnica Trn-Vagan-Puringaj, te prometnica Knešpolje-Ljuti Dolac u koju već nekoliko godina ulažemo značajna sredstva i nadamo se da će izgradnja ove prometnice biti uskoro u potpunosti završena. Zatim odvodnja oborinskih voda u užem središtu grada...

ONASA: Ko su nosioci privrednog razvoja Širokog Brijega?

KRALJEVIĆ: Nositelji gospodarskog razvoja Širokog Brijega su naši gospodarstvenici. Njihov sadašnji rad i planovi, barem oni s kojima sam upoznat, su nešto što je naš najveći potencijal i što nam stvara obvezu da kao lokalna vlast stalno radimo na stvaranju preduvjeta za ostvarenje tih planova. To će rezultirati novim radnim mjestima i materijalnim pretpostavkama za sveukupni daljnji razvitak i kvalitetniji život u Širokom Brijegu. Istaknut ćemo nekoliko "većih" tvrtki: "Feal", "Mepas", "A3", "Hering", "MCI", "FBD" za proizvodnju obuće...

ONASA: Na koje grane privrede ste najviše fokusirani i koje imaju najbolju perspektivu?

KRALJEVIĆ: U Širokom Brijegu je razvijena metaloprerađivačka industrija, građevinarstvo, proizvodnja obuće, te kamenoklesarstvo i poslovne usluge i usluge zastupanja. Uspostava industrijske zone "Trn", koja se prostire na oko 128 hektara, svakako je poziv gospodarstvenicima i investitorima da uz osiguranu infrastrukturu, kao i povoljni geografski položaj i dobru prometnu povezanost, dođu u Široki Brijeg.

ONASA: Šta Općina čini kako bi privukla investitore, prije svega na smanjenju administrativnih prepreka?

KRALJEVIĆ: Mi u lokalnoj upravi stvaramo pretpostavke za razvoj gospodarstva, što se vidi i po razvijenom gospodarstvu u našoj općini. Općina Široki Brijeg danas u gospodarskom pogledu spada među najrazvijenije općine na području Hercegovine s jasnom vizijom i perspektivom ukupnog budućeg razvitka. Prema socio-ekonomskim pokazateljima Federalnog zavoda za programiranje razvoja, Široki Brijeg se u 2012. godini nalazio na devetom mjestu po razvijenosti u Federaciji BiH (FBiH).



Miro Kraljević, načelnik Općine
Široki Brijeg



Grb Općine Široki Brijeg

*"... u Širokom Brijegu u
tijeku je projekt izgradnje
kanalizacije, kako su ga
neki nazvali projekt
desetljeća, a neki su otišli
još dalje i rekli da je to
najveći projekt u povijesti
Širokog Brijega."*



Široki Brijeg



Široki Brijeg

Također, potičemo proizvodno poduzetništvo na način da su obveznici koji se bave proizvodnim djelatnostima oslobođeni plaćanja komunalne naknade u prvoj godini rada. Pojednostavili smo proceduru izdavanja građevinskih dozvola uz velike pogodnosti kod plaćanja komunalnih doprinosa.

ONASA: Kakva je situacija u Širokom Brijegu kada je u pitanju nezaposlenost i kako podstičete nova zapošljavanja?

KRALJEVIĆ: Kriza je prisutna u svim segmentima života u širem

okruženju, pa tako i u Širokom Brijegu. Broj nezaposlenih krajem 2013. iznosio je 4.000. Ipak, od 2011. godine broj uposlenih u Širokom Brijegu ne ide ispod brojke od 6.000, što je najveći broj uposlenih u posljednjih dvadesetak godina, a i u odnosu na predratno stanje. To nas ohrabruje da i dalje stvaramo povoljan ambijent za gospodarstvo i općenito povoljno životno okruženje u našem mjestu. Mi ne zapošljavamo, ali svakako pomažemo mladima da se nakon završenog školovanja što prije zaposle, pa u tom smjeru dva puta godišnje zapošljavamo određeni broj pripravnika, tako da su nakon odrađenog pripravnčkog spremni za zapošljavanje.



Široki Brijeg

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

ONASA: Koje bi konkretne promjene Širokom Brijegu donio status grada, o čemu treba da se izjasni Parlament FBiH?

KRALJEVIĆ: Lijepo je što će Široki Brijeg dobiti status grada i jako mi je drago. Široki Brijeg je to zaslužio jer smo dugo godina administrativno, gospodarsko, kulturno središte naše županije, a i u cijeloj Bosni i Hercegovini uživamo veliko poštovanje i reputaciju. Financijski nam to ništa neće značiti, ali Grad će biti organizacijski bolje uređen i organiziran. Nakon što Parlament FBiH donese zakon o dobivanju statusa grada, pristupit će se izmjeni Statuta, načelnik će postati gradonačelnik, Općinsko vijeće postat će Gradsko vijeće, općinski vijećnici će postati gradski vijećnici...

ONASA: Koji su ključni planovi Općine u narednom periodu i na koje projekte ćete se fokusirati?

KRALJEVIĆ: U narednom periodu akcenat našeg rada bit će na završetku započetih infrastrukturnih projekata, ali i otvaranju novih. Vrijedno je spomenuti uspostavu Industrijske zone "Trn" ukupne površine oko 128 hektara, nastavak izgradnje autobusnog kolodvora, te nastavak i privođenje kraju izgradnje lokalnih vodovoda Kočerin, Dužice, Knešpolje... Nama u lokalnoj samoupravi ostaje da u ovim okolnostima krize i nedostatka proračunskih sredstava radimo na planiranju i pripremi projekata, te tražimo izvanproračunske izvore financiranja. Naravno, nastaviti ćemo raditi na poboljšanju učinkovitosti javne uprave, kao i na uspostavi posebnog razvojnog odjela (službe) s ciljem pripreme projekata i sustavnog praćenja i traženja izvora financiranja. Također, planiramo u ovoj godini uspostaviti Jedinicu za upravljanje lokalnim razvojem, i to kadrovski i opremom.

ONASA: Prošle godine ste, na izboru za najmenadžera 2013. godine, ponijeli titulu najuspješnijeg načelnika općine. Šta ova značajna nagrada znači za Vas, a koje obaveze stavlja pred Vas?

KRALJEVIĆ: Dobivanje priznanja "Najnačelnik 2013." pokazuje da je ono što smo radili u općinskim tijelima uprave prepoznato izvan granica naše općine, ali i da smo isto tako dobro iskomunicirali ono što smo radili u proteklom periodu. Ovo proglašenje za najnačelnika je najprije priznanje mojim najbližim suradnicima, te građanima Širokog Brijega koji su me neposredno birali tri puta. Ova nagrada postavlja obvezu koju smo postavili ispred sebe da Široki Brijeg bude uvijek na 1. mjestu, što je i slogan naše općine.



Široki Brijeg



PREDSTAVNICI OPĆINA IZ KS I ISTOČNOG SARAJEVA ZAJEDNIČKI ĆE APLICIRATI ZA FONDVE EU



SARAJEVO, 23. april/travanj – Zajedničkim nastupom općina iz Kantona Sarajevo (KS) i Grada Istočno Sarajevo puno lakše se može doći do sredstava Evropske unije (EU), a potrebno je priložiti konkretne zajedničke projekte, jer kao takve će ih EU prepoznati i ujedno nam pomoći, izjavio je načelnik Općine Stari Grad Ibrahim Hadžibajrić tokom današnjeg sastanka načelnika devet općina KS i šest općina Istočnog Sarajeva povodom zajedničkog apliciranja ka fondovima Evropske unije.

"Tokom jednog sastanka u rezidenciji ambasadora Republike Francuske u BiH

Rollanda Gillesa predstavnici općina pokrenuli su inicijativu o zajedničkoj saradnji, da se zajednički sa konkretnim projektima nastupi i aplicira prema Briselu. Ljudi u oba entiteta u lošoj su ekonomskoj situaciji, beznađu i besparici. Očito je da novca nema, a svašta bi se nešto uradilo", kazao je novinarima Hadžibajrić.

Podsjetio je da Općina Stari Grad ima iskustva sa ranijim projektima i da je dobijala sredstva EU, ali i USAID-a za različite projekte.

"Općina Stari Grad ima spremne projekte i može aplicirati prema EU. Druge općine moraju vidjeti koji su njihovi prioriteti i sa takvim projektima nastupiti", dodao je Hadžibajrić.

Gradonačelnik Istočnog Sarajeva Nenad Samardžija pomenuo je da je i ranije bilo nekoliko zajedničkih aktivnosti oba grada.

"Istakao bih poseban projekat od interesa za BiH, a to je olimpijada mladih koja će se održati 2017. godine. U tom smislu sve pripreme su izvršene. Prije desetak dana imali smo sastanak organizacionog odbora u Istočnom Sarajevu, na kojim smo predvidjeli sve aktivnosti koje nas očekuju u narednim godinama, kako bi smo ovu i sportsku, ali i privrednu manifestaciju uradili na najbolji mogući način", rekao je Samardžija.

Precizirao je da će se danas govoriti o projektima iz oblasti turizma.

"Jučer smo imali određene aktivnosti vezane za Trebevičku žičaru. Spremni smo na sve oblike saradnje sa Gradom Sarajevom, kako bi smo učinili život što prihvatljivijim našim građanima", izjavio je Samardžija.

Prema riječima ambasadora Republike Francuske u BiH Rollanda Gillesa, tema današnjeg sastanka je jedan veliki projekat, koji će se desiti 22. juna ove godine.

"Na osnovu tog projekta načelnici šireg područja Sarajeva i Istočnog Sarajeva rade zajedno. Naime, 22. juna biće veliki sportski događaj i on će biti na čelu svih važnih manifestacija, koje će trajati nekih 15 dana i tada će se poslati bitne poruke. Na ovom zajednički radimo posljednje dvije godine", najavio je Gilles.

Potvrdio je da je saradnja na ovom projektu bila izuzetna.

"Ovaj zajednički rad usmjerio nas je u tome da možemo razvijati i druge projekte i načelnici su ti čija je ideja zajedničkog okupljanja. Svi zajedno rade na projektima bitnim za široko područje Sarajeva, koje ima izuzetne adute. Prisjetimo se samo olimpijskih igara ili velikog turističkog potencijala, koji je ujedno i ekonomski", dodao je Gilles.



"Općina Stari Grad ima spremne projekte i može aplicirati prema EU. Druge općine moraju vidjeti koji su njihovi prioriteti i sa takvim projektima nastupiti"

LAF SEMINAR: „DOBRA UPRAVA NA LOKALNOM NIVOU“

U okviru programa Local Administration Facility (LAF) organizuje se seminar u Briselu pod nazivom „Dobra uprava na lokalnom nivou“ (LAF Seminar on Good Governance at a local level) koja će trajati od 25. do 27. juna/lipnja 2014. godine. Cilj seminara je pružiti priliku lokalnim i regionalnim predstavnicima za upoznavanjem i razmjenom ideja u vezi sa EU procedurama i praksom u navedenoj oblasti.

Studijsko putovanje je otvoreno za učesnike iz Zapadnog Balkana (Albanija, Bosna i Hercegovina, Hrvatska, Kosovo, Makedonija, Crna Gora i Srbija) i Tursku. Maksimalno po šest učesnika može biti izabrano iz svake od odabranih zemalja.

Aplikacija treba da sadrži popunjen prijavni formular, pismo interesa i CV. Zainteresovani kandidati treba da pošalju CV i pismo motivacije (sa detaljima njihovog obrazovanja i profesionalnog iskustva i na koji način će dalje da prenose informacije sa ovog studijskog putovanja). Motivacijsko pismo treba biti ovjereno od strane institucije koja šalje učesnika. Prvi pregled pristiglih aplikacija obaviće EU Delegacija u BiH. Aplikacije treba da se šalju na adresu: DELEGATION-BIH-TAIE@eas.europa.eu





Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Učestvujte Savez općina i gradova
Federacije Bosne i Hercegovine na



Pratite Savez općina
i gradova FBiH na



Izbor kandidata vršiće Generalni direktorat za proširenje zajedno sa program menadžerima Delegacije Evropske Unije u BiH.

Jezik studijskog putovanja je engleski pa je stoga aktivno znanje engleskog jezika preduslov za učešće. Učesnici će biti direktno kontaktirani od strane kancelarije Generalnog direktorata za proširenje, pa stoga je bitno da kandidati navedu direktan broj telefona u prijavnim formularu. Znanje engleskog jezika je važno zbog praktičnih vježbi gdje će biti traženo učešće svih polaznika. Studijska posjeta organizuje se za učesnike koji nisu do sada bili dio LAF događaja ove vrste.

Krajnji rok za podnošenje prijava je 25. maj/svibanj 2014. godine.

U slučaju da imate bilo kakvih pitanja u vezi sa aplikacijom, molim Vas kontaktirajte gđu. Esmiru Kešan na: esmira.KESAN@eeas.europa.eu

Potrebne dokumente za apliciranje možete naći na našoj web stranici.

LAF SEMINAR: „PRAVILA SOCIJALNOG UKLJUČIVANJA I INTEGRACIJE ROMA“

U okviru programa Local Administration Facility (LAF) organizuje se seminar u Briselu pod nazivom „Pravila socijalnog uključivanja i integracije roma“ (LAF Seminar on Social Inclusion policy and integration of Roma) koja će trajati od 30. juna/lipnja do 2. jula/srpnja 2014. godine. Cilj seminara je pružiti priliku lokalnim i regionalnim predstavnicima za upoznavanjem i razmjenom ideja u vezi sa EU procedurama i praksom u navedenoj oblasti.

Studijsko putovanje je otvoreno za učesnike iz Zapadnog Balkana (Albanija, Bosna i Hercegovina, Hrvatska, Kosovo, Makedonija, Crna Gora i Srbija) i Tursku. Maksimalno po sedam učesnika može biti izabrano iz svake od odabranih zemalja.

Aplikacija treba da sadrži popunjen prijavni formular, pismo interesa i CV. Zainteresovani kandidati treba da pošalju CV i pismo motivacije (sa detaljima njihovog obrazovanja i profesionalnog iskustva i na koji način će dalje da prenose informacije sa ovog studijskog putovanja). Prvi pregled pristiglih aplikacija obaviće EU Delegacija u BiH. Aplikacije treba da se šalju na adresu: DELEGATION-BIH-TAIX@eeas.europa.eu

Izbor kandidata vršiće Generalni direktorat za proširenje zajedno sa program menadžerima Delegacije Evropske Unije u BiH.

Jezik studijskog putovanja je engleski pa je stoga aktivno znanje engleskog jezika preduslov za učešće. Učesnici će biti direktno kontaktirani od strane kancelarije Generalnog direktorata za proširenje, pa stoga je bitno da kandidati navedu direktan broj telefona u prijavnim formularu. Znanje engleskog jezika je važno zbog praktičnih vježbi gdje će biti traženo učešće svih polaznika.

Studijska posjeta organizuje se za učesnike koji nisu do sada bili dio LAF događaja ove vrste.

Krajnji rok za podnošenje prijava je 30. maj/svibanj 2014. godine.

U slučaju da imate bilo kakvih pitanja u vezi sa aplikacijom, molim Vas kontaktirajte gđu. Esmiru Kešan na: esmira.KESAN@eeas.europa.eu

Potrebne dokumente za apliciranje možete naći na našoj web stranici.

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu proslijedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

